



Aningaasaqarnermut Naalakkersuisoq

Ulloq: 23.oktober 2012

J.nr.: 01.31.06/12-00600

Aningaasaqarnermut Akileraartarnermullu Ataatsimiititaliap ataasinngornermi 22. oktober 2012-imi aalajangiinera pillugu Naalakkersuisunut ilisimatitsineq (suliaq nr. 01.31.06/12-00600)

KNR aningaasaqarneranik misissueqqissaarnissamut atugassanik, missingersuutitut allannguutaanngitsumik nuussinissamik qinnuteqaat

Naalakkersuisut **inassutigaaat**;

- Kontumi pingaarnermi 30.18.03-mi, Ajoqissanik organistinillu ilinniartitsineranut tunngasumi, aningaasaliissutit 2012-imi 250.000 kr.-inik ikilineqassasut, aamma
- kontumi pingaarnermi 30.19.10-mi, NBC-mut akitsuutitut tapiissutitut tunngasumi, aningaasaliissutit 2012-imi 325.000 kr.-inik ikilineqassasut, aamma
- kontumi pingaarnermi 30.01.01-imi, Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfimmut tunngasumi, aningaasaliissutit 2012-imi 575.000 kr.-inik amerlineqassasut.

Aningaasaqarnermut Ataatsimiititaliap oqaaseqaatai

KNR-ip siunissami ingerlatsinissaa pillugu aalajangernissamut aammalu KNR-imut maanna aningaasaliissutaasartut sullissinissamillu isumaqatigiissutip imminnut qanoq naapertuutsiginerannik naliliinissamut tunngavissaqalernissaq siunertaralugit KNR-ip aningaasaqarneranik ingerlatsineranillu misissuinerup aallartinneqarnissaa qinnuteqarnerminni Naalakkersuisut kissaatigaat. Tamanna ataatsimiititaliamit taparserneqarsinnaavoq.

Qinnuteqaalli ersernerluppoq. Naalakkersuisut inassuteqaataat pingasuusut tamarmik kukkuneqarmata oqaatigineqassaaq, taakkunannga marluk Aningaasaqarnermut Naalakkersuisoqarfimmit nalunaarneqarsimallutik ataaserlu Aningaasaqarnermut Ataatsimiititaliamit. Kiisalu qinnuteqaatip inaarutaasumik isummerfiginnginnerani apeqqutinik akeqqaartariaqartunik peqartoq ataatsimiititaliaq isumaqarpoq.

1. Konto pingaarnermi 30.19.10-mi, NBC-mut akitsuutitut tapiissutitut tunngasumi, aningaasaliissutit konto pingaarnermi aningaasat sinneruttut affangajaannik ikilineqarnerat ataatsimiititaliamit ajuusaarnartutut isigineqarpoq. Ukiup sinnerani saqqummersinneqartussat kontomit matuminnga aningaasanik pissarsisinnaasutut naatsorsuutigineqarsinnaasut qanoq amerlatiginissaat Naalakkersuisunit ilisimasaqarfigineqarpa? Taamaassimappat qassit aammalu ilassutitut aningaasaliissuteqarnissamik qinnuteqaat una tunngavigalugu aningaasaliissutit

ikilineqarpata kontomi pingaarnermi aningaasanit sinneruttunit taakkununga aningaasartuutit matuneqarsinnaassappat?

2. Konto pingaarnermut 30.18.03-mut, Ajoqissanik organistinillu ilinniartitsinermut tunngasumut, missingersuutinut ilanngussami oqaatigineqarpoq Ilaqutariinnermut, Kultureqarnermut, Ilageeqarnermut Naligiissitaanermullu Naalackersuisoqarfimmi atorfik ilimaginngisamik inuttaqanngikkallartoq pissutaalluni pilersaarutaasut malillugit organistinik ilinniartitsinissaraluaq unitsiinnaqartoq. Organistinik ilinniartitsinissamik pilersaarutaasup ingerlanneqarnissaa siunertaralugu Naalackersuisoqarfimmi atorfiup inuttalerneqarnissaa naatsorsuutigineqarnersoq, taamaappallu qaqugu pissanersoq paasissutissiissutigineqassasoq kissaatigineqarpoq.
3. Siunnersuisarfimmut KNR-ip aningaasaqarneranik ingerlatsineranillu misissueqqissaarnermik ingerlatsisussamut isumaqatigiissut 495.000 kr.-inik akeqassasoq Naalackersuisut isummernissaannut tunngavissiami allassimavoq. Tamatuma saniatigut siunnersortit angalanerannut nalunaarusiallu nutserneqarneranut aningaasartuuteqartoqassaaq. Misissuinerup ingerlanneqarneranut 575.000 kr.-it atorneqassasut missingersuutinut ilanngussami allassimavoq. Tamanna ataatsimiititaliamit ima paasineqassava assigiinngissutaasut 80.000 kr.-it siunnersortit angalanerannut aammalu nalunaarusiap nutserneqarneranut atorneqassasut?

Aningaasaqarnermut Ataatsimiititaliap aalajangiinera

Apeqqutinut siuliani allassimasunut Naalackersuisut akissuteqarnissaat ataatsimiititaliamit utaqqineqarmat Naalackersuisut inassuteqaataannik isummerfiginninnissani Aningaasaqarnermut Ataatsimiititaliap **kinguartippaa**. Naalackersuisut akissutaat kalaallisut danskisullu sapinngisamik piaarnerpaamik nassiunneqassasoq qinnutigineqarpoq assilineralu qarasaasiakkut uunga nassiunneqarluni: julie@inatsisartut.gl.

Ataatsimiititaliap sinnerlugu

Andreas Uldum
Ataatsimiititaliap siulittaasua